

Ահա ինչու այդ ոճը չի կարելի նմանողութեան ենթարկել՝ դա կը լինի կեղծ եւ միշտ էլ անհարազատ, այլ կարելի է միմիայն վերապրել, այսինքն՝ դերադոյն ճիշտով հասնել այն սկիզբնասկիզբ աշխարհազդացողութեան, որով իրականացել է հայ ոգին:

Հին դարերի մէջ այդպիսի բարդ եւ պարզ միութեան միայն հելլենացիները կարողացել են հասնել:

Քրիստոնէական շրջանում, վսեմ համադրութեան հիմնաքարը պատկանում է հայ ժողովուրդին: Ի դուր չէ եւ օտար գիտնականների ճիշտը այդ հաստատելու, սակայն, մեր հոգու գիրքը մենք միայն կարող ենք կարգաւ: Եւ այն օրը, երբ մեր թաղուած այգին նորից երկարի իր ճիւղերը գէպի լոյսը, երբ ցեխերի մէջ ընկած լուսաւոր զգեստը ծածկէ մեր մարմինները, երբ գիտակցութեան առջեւ նորից ներկայանայ մեր իսկական էութիւնը, այն օրը, մենք կարող ենք բովանդակ մարդկութեան յանձնել մեր պատմութեան բանալին եւ տապալուող մշակոյթների եւ քաղաքակրթութիւնների այս շրջանում գետեղել հիմնաքարը համադրական նոր մի ոճի:

Չկա՛յ մեզ համար ուրիշ ելք:

Դարերից ի վեր մենք կեանքի մօտից ենք անցնում: Կիսաքանդ մեր եկեղեցիների շուրջը մատաղ ենք բերում եւ մատաղ ենք դառնում: Հայ ոգին հեռաւոր յիշատակ է, մի տեսակ սրբութիւն, որի հետ մենք խօսում ենք հեռուից, տարին մի քանի անգամ վերակոչում ենք մեքենաբար, տօնի առիթ ենք համարում եւ նորից մտնում ենք մեր ամենօրեայ լինելիութեան խանութը՝ փոքրիկ զգացումներ, փոքրիկ դադափարներ, Ռուսաստանից եւ Եւրոպայից եկած աժան ապրանքներ ծախելու համար:

Մենք պէտք է վերադանենք խորհուրդների այն հաւասարակշռութիւնը, արժէքների այն հիմնաքարերը, որ ճակատագրականօրէն մերն է:

Հայ վաշխառուների եւ հայ վարժապետների, հայ իմաստակների եւ մտքի սպեկուլանտների դէմ պէտք է կանգնի նոր հոգեկան ազնուականութեան կտրիճ եւ առաքելական գիտակցութիւնը: Հայ կեանքը, որ արագօրէն վազում է դէպի մահ, պէտք է կառուցանի իր

նոր Հոփսիմէն, մեսիականութեան եւ հոգեկան կայսերականութեան այն հոսանքը, որին բովանդակ մարդկութիւնը ծարաւի է:

Չմոռանանք, որ ինքը Յիսուս, ծնուեց հզօր հոռմէական կայսրութեան ժամանակ, աղքատ մի երկրի ամենայնաամնաց եւ թշուառ գաւառում: Ու նաեւ այն, որ մեր առաքելները, որ գնում էին դէպի արեւմուտք, նոյն Իտալիոյ մէջ, իրենց հետ թաղաւորական վեհութիւն էին տանում (S. Miniato, Rex Armenia):

Ուժ, աներկիւղութիւն, իմաստութիւն, աղնուականութիւն:

Լեռ, արեւ եւ անհուն: Ապողոնեան, Դիոնիսեան եւ Փաուստեան մարդու նոր համադրութիւնը պիտի անհրաժեշտօրէն իրականանայ այստեղ, արեւմուտքի եւ արեւելքի ճակատագրական այդ կենտրոնում: Պիտի ծնուի Արատեան մարդը:

* * *

Գիտեմ՝ այդ մասին ոչ մի բրոշուրի մէջ գրուած չէ եւ «վերացական սանկ բաները փող չեն անում»: Եւ սակայն, ո՞վ է իմանում, թաղուած այգին դալիք դարնան կարելի է կը շարժի եւ արմատների մէջ հիւթեր կ'եռան...

Ո՞վ է իմանում...

* * *

Երկու օր է էջմիածնումն եմ:

Ամէն ինչ փոխուել է:

Մայր տաճարի մէջ այլանդակ, մեծ մի դաշնամուր են դրել, «որպէսզի սովէտներից փրկեն»:

Վարդապետների ձեռքից խուցերի մեծ մասը առել են: Թափթիած մարդիկ՝ ուսուկան չապիկ, բարձր կօշիկ՝ հաւեր են պահում, կեղտոտ ջուրերը դուրս ածում եւ եկեղեցի վրայ թշնամական նայուածքներ ձգում:

Կղերականները դրեթէ չեն երեւում: Ստուերների տակ պատսպարուած մէկ մէկի երեսն են նայում եւ լուծում: Կէսօրին, ժողովում են սեղանատուն եւ աղքատիկ սեղանի առջեւ խաչ հանում:

Վհարանք սինեմայի են վերածել: Չառլի Չէպլինը գնացել է էջմիածին եւ 50 կոպէկով նոր կրօնք է ծախում: Երբեմն ներկայանում է Կարլ Մարքսը, կաթողիկոսական երկար միութեամբ, եւ Թալմուզից մի էջ է կարդում: